



JP ELEKTROPRIVREDA BIH

d.d. - Sarajevo

Podružnica Termoelektrana "Tuzla", Tuzla

Na osnovu člana 9. Pravilnika o radu JP Elektroprivreda BiH d.d.-Sarajevo (prečišćeni tekst, broj: U-01-15259/21-98/24 od 18.05.2021.godine i broj: NO-31388/22-95./6. od 23.11.2022.godine) i člana 19. Odluke o utvrđivanju i rasporedu ovlaštenja Generalnog direktora, izvršnih direktora, pomoćnika Generalnog direktora, Sekretara Društva i direktora podružnica Društva (prečišćeni tekst, broj: 06-26053-1/22 od 27.09.2022. godine), a u skladu sa Odlukom o potrebi zapošljavanja novih radnika u Podružnici Termoelektrana "Tuzla" Tuzla, u Djelatnosti proizvodnje, zbog neplaniranih okolnosti, broj: 01-02-37057-1/22 od 30.12.2022. godine, Podružnica Termoelektrana „Tuzla“ Tuzla objavljuje:

O G L A S

za prijem radnika na neodređeno vrijeme

Raspisuje se Oglas za prijem radnika na neodređeno vrijeme sa probnim radom od 3 (tri) mjeseca za sljedeća radna mjesta:

1. Inženjer područja, rang 3..... 1 izvršilac

Uslovi: VII-VSS-1st, mašinstvo, 1 (jedna) godina radnog iskustva u struci, pasivno poznavanje stranog jezika.

Područje rada: Klipne mašine;

Kratak opis poslova: planiranje i optimiziranje održavanja postrojenja u okviru područja, izrada kratkoročnih i dugoročnih planova održavanja i planiranje potrebnih sredstava; izrada dokumentacije potrebne za realizaciju radnih naloga održavanja, pokretanje zahtjeva za rad, radnih naloga i praćenje njihove realizacije, vođenje istorijata postrojenja u okviru područja rada; učestvovanje u probnom puštanju i funkcionalnom ispitivanju postrojenja nakon završetka radova održavanja; nadziranje realizacije ugovorenih obaveza vanjskih izvođača prema važećim procedurama; praćenje i analiza rada postrojenja i parametara proizvodnje sa ciljem poboljšanja energetske efikasnosti, obezbjeđenje visoke raspoloživosti i ekološke prihvatljivosti, ocjena preostalog radnog vijeka opreme, pripremanje prijedloga investicionih ulaganja i učestvovanje u realizaciji investicionih aktivnosti; planiranje nabavke rezervnih dijelova, opreme i materijala, optimiziranje nabavke i zalihe i učestvovanje u postupcima nabavke; ispunjavanje zakonskih obaveza prema nadležnim inspektoratima i saradnja sa inženjerima drugih organizacionih cjelina.

2. Mehaničar 3..... 1 izvršilac

Uslovi: III-KV, automehaničar, 6 (šest) mjeseci radnog iskustva u struci.

Kratak opis poslova: obavljanje redovnih i vanrednih pregleda uređaja/postrojenja/objekata; neposredno učestvovanje u izvršenju složenih poslova pod nadzorom vođe radne grupe ili samostalno obavljanje manje složenih poslova na održavanju uređaja/postrojenja/objekata, obavljanje radova na različitim mjestima rada u zavisnosti od potreba procesa rada.

3. Elektromehaničar 2 2 izvršioca

Uslovi: V-VK/IV-SSS, elektromehaničar/elektrotehničar, energetika, 9 (devet) mjeseci radnog iskustva u struci.

Kratak opis poslova: učestvovanje u pripremi za izvođenje radova održavanja; sudjelovanje u defektaži; obavljanje redovnih i vanrednih pregleda uređaja/postrojenja/objekata; neposredno učestvovanje u izvršenju složenih poslova pod nadzorom vođe radne grupe ili samostalno obavljanje manje složenih poslova na održavanju uređaja/postrojenja/objekata; sudjelovanje u nadzoru (ili vršenju nadzora) kod probnih pogona poslije završetka radova održavanja, obavljanje radova na različitim mjestima rada u zavisnosti od potreba procesa rada.

**4. Rukovalac obrtača vagona 2 i 3 i kombinovanih odlagača i utovarivača uglja,
(smjenski način rada) 2 izvršioca**

Uslovi: IV-SSS, mašinski tehničar/elektrotehničar, 6 (šest) mjeseci radnog iskustva u struci.

Kratak opis poslova: rukovanje i kontrola ispravnosti kombinovanih odlagača i utovarivača uglja, obrtača vagona, ranžiranih uređaja i rotacionog bagera, prema tehničkim i pogonskim uputstvima za rukovanje;

istovaranje uglja iz vagona, navlačenje vagona sa ranžiranim uređajem, otkopčavanje tovarenih vagona ispred obrtača vagona, transportovanje i odlaganje uglja na skladišta i transportovanje uglja sa skladišta kombinovanim odlagačima i utovarivačima uglja; neposredna saradnja sa rukovaocem komandi dopreme uglja, pomoćnim radnikom rukovaocem transportnih sistema i rukovaocem manevre; održavanje čistoće postrojenja; vođenje propisanih evidencija u smjeni i knjige primopredaje smjene; prijavljivanje kvarova poslovođi i provođenje mjera obezbjeđenja postrojenja.

5. Rukovalac buldožera

(smjenski način rada) **1 izvršilac**

Uslovi: IV-SSS/III-KV, mašinski tehničar/rukovalac građevinskih mašina, ispit za rukovaoca građevinskih mašina i stručni ispit za rukovaoca zapaljivim tečnostima, vozačka dozvola B kategorije, 6 (šest) mjeseci radnog iskustva u struci;

Kratak opis poslova: kontrolisanje ispravnost i rukovanje buldožerima (građevinskim mašinama, caterpillarima, buldožerima, traktorom i utovarivačem) na skladištima uglja u skladu sa tehničkim uputstvima za rukovanje i održavanje; transportovanje-razguravanje i deponovanje-odlaganje uglja na skladišta uglja koji se istovara sa transportnih sistema ili direktno na skladišta uglja iz kamiona i transportovanje-naguravanje uglja sa skladišta uglja do prihvatnih bunkera transportnih sistema; odlaganje ugljeva u pravilne zapremine i oblike prema vrsti i homogenizaciji uglja i uređenje skladišta uglja za geodetska snimanja zaliha uglja, uz vođenje brige o sigurnom i bezbjednom radu sa buldožerom na formiranim zapreminama ugljeva; u vrijeme rada i kretanja mašinama obavezno poštovanje saobraćajnih propisa; neposredno u smjeni saradnja sa pomoćnim radnikom- rukovaocem transportnih sistema; vođenje propisane evidencije u smjeni i knjige primopredaje mašina; prijavljivanje kvarova poslovođi i neposredno u smjeni sprovođenje mjera obezbjeđenja postrojenja.

Kandidati su obavezni uz potpisanu pismenu prijavu na Oglas sa kraćom biografijom, adresom stanovanja i brojem telefona podnosioca prijave, *te jasnom naznakom rednog broja i naziva radnog mjesta na koje se prijavljuje*, dostaviti dokumentaciju kojom dokazuju ispunjavanje uslova zahtjevanih Oglasom za radna mjesta na koje se prijavljuju i to:

za radno mjesto 1:

- **Diplomu** visoke stručne spreme, fakultet **prvog ciklusa studija** završen u skladu sa Okvirnim zakonom o visokom obrazovanju u Bosni i Hercegovini koji je vrednovan sa najmanje 180 ECTS bodova ili fakultet završen u skladu sa propisima iz oblasti visokog obrazovanja koji su se primjenjivali prije početka primjene Okvirnog zakona o visokom obrazovanju u Bosni i Hercegovini, u skladu sa Okvirnim zakonom o visokom obrazovanju (Bachelor) **sa dodatkom diplomi** ili uvjerenje o diplomiranju (ne starije od jedne godine odnosno od roka potrebnog za izdavanje diplome) ili u slučaju da fakultet nije završen u Bosni i Hercegovini, strana diploma treba biti nostrifikovana (dokaz o nostrifikaciji);
- **dokaz da kandidati imaju neophodno radno iskustvo u struci**, kojim se dokazuje period da je kandidat proveo radeći na poslovima za koje se traži stečeni stepen stručne spreme i stručni naziv, koji odgovara stručnoj oblasti/nazivu predviđenom za radno mjesto na koje se prijavljuje, a u trajanju traženom Oglasom;
- **dokaz o poznavanju stranog jezika** (kao dokaz može poslužiti ovjereno svjedočanstvo iz srednje škole ili ovjerena kopija iz indeksa iz kojeg se može utvrditi da je kandidat imao predmet strani jezik ili dokaz da je kandidat završio III stepen ovlaštene škole za strane jezike).

za radna mjesta 2, 3, 4. i 5:

- **Diplomu** o završenom srednjem obrazovanju, **svjedočanstva** o završenim razredima;
- **dokaz da kandidati imaju neophodno radno iskustvo u struci**, kojim se dokazuje period da je kandidat proveo radeći na poslovima za koje se traži stečeni stepen stručne spreme i stručni naziv, koji odgovara stručnoj oblasti/nazivu predviđenom za radno mjesto na koje se prijavljuje, a u trajanju traženom Oglasom;

Kandidati mogu da dostave:

- Odluku o stipendiranju, ukoliko je kandidat bio stipendista Javnog preduzeća Elektroprivreda Bosne i Hercegovine d.d.-Sarajevo.
- Uvjerenje izdato od strane Zavoda za zapošljavanje, ukoliko je kandidat nezaposlen.

Kandidati koji su: demobilisani borci, članovi porodice šehida ili poginulih boraca, ratni vojni invalidi ili su članovi porodice ratnih vojnih invalida, treba da dostave dokaz o ovom statusu (izdat od strane nadležnog organa) u skladu sa propisima kojima se reguliše oblast boračko-invalidske zaštite.

Dokumenti koji se neće prihvatiti kao valjan dokaz o traženoj vrsti radnog iskustva:

- radna knjižica - kojom se dokazuje samo radni staž, te ista ne može dokazati nijedan oblik radnog iskustva;
- ugovori o radu, ugovori o obavljanju privremenih i povremenih poslova, ugovori o djelu, rješenja ili odluke o zasnivanju radnog odnosa - koji dokazuju samo početak radnog angažmana i naziv radnog mjesta, ne i kontinuitet istog;
- sporazumi, rješenja ili odluke o prestanku radnog odnosa - koji dokazuju samo moment prestanka radnog angažmana i sl.
- potvrde i preporuke nenadležnih organa bez dostave ostalih dokaza, odnosno, preporuke bez navođenja osnova priznanja statusa neće biti uzete u obzir.

Dokumentacija dostavljena bez potpisane pismene prijave na Oglas sa kraćom biografijom i jasnom naznakom rednog broja i naziva radnog mjesta na koje se prijavljuje neće biti predmet provedbe procedure prijema u radni odnos.

Sva tražena dokumentacija, koju kandidati prilažu uz prijavu, dostavlja se u originalu ili ovjerenoj kopiji, ovjerena kod nadležnog organa. Ukoliko se dokumentacija dostavi u ovjerenoj kopiji može se od kandidata zahtijevati uvid u originalne dokumente.

Neblagovremene, neuredne i nepotpune prijave, te prijave koje su kandidati pismeno povukli, kao i prijave uz koje su priložene neovjerene kopije dokumenata, neće se uzeti u razmatranje.

Kandidati pod rednim brojem: **1** koji budu ispunjavali uslove navedene Oglasom, pristupit će pismenoj i usmenoj provjeri znanja. Samo oni kandidati koji uspješno polože pismeni dio testa, bit će pozvani na usmeni ispit/razgovor.

O mjestu i vremenu održavanja pismenog i usmenog ispita kandidati će biti blagovremeno obaviješteni.

Kandidati pod rednim brojem: **2, 3, 4. i 5**, koji budu ispunjavali uslove navedene Oglasom, bit će pozvani na usmeni ispit/razgovor.

O mjestu i vremenu održavanja usmenog ispita kandidati će biti blagovremeno obaviješteni.

Kandidati koji budu izabrani, biti će prije zaključivanja Ugovora o radu upućeni na ljekarski pregled kod nadležne zdravstvene ustanove, radi utvrđivanja zdravstvenog stanja i radne sposobnosti za obavljanje poslova radnog mjesta.

Oglas ostaje otvoren 8 (osam) dana od dana objavljivanja u dnevnim novinama.

Prijave na Oglas sa potrebnom dokumentacijom dostaviti u zatvorenoj koverti, za svako radno mjesto odvojeno, sa naznakom „*Prijava na Oglas na neodređeno vrijeme, za radno mjesto pod rednim brojem: _____ (navesti naziv radnog mjesta)*“, na adresu:

JP Elektroprivreda BiH d.d.-Sarajevo
Podružnica Termoelektrana „Tuzla“ Tuzla
21. aprila br. 4
75203 Bukinje